

人物志三

光緒順天府志九十三

先賢三

南海廖廷相纂江陰繆荃孫覆輯

唐

祖孝孫

盧承慶

弟承泰

盧莊道

盧照鄰

陽嶠

盧榮

張知審

成三郎

平貞脊

盧履冰

盧鴻

盧若虛

張懷瓘

盧沔

盧巽

魯炅

張休

陳利貞

盧同

蔡廷玉

盧峴

王仲堪

盧羣

盧

綸子簡能

宏

正簡求

盧邁

李景略

盧景亮

盧於陵

盧殷

高崇文

子承簡

劉頗

盧鈞

盧宏宣

賈島

盧士瓊

劉蕡

盧霈

張仲武

張允仲

盧渥

唐

祖孝孫幽州范陽人也祖崇孺以學業知名仕至齊州長史孝孫

博學曉厯算早以達識見稱

舊書列傳

開皇初詔太常牛宏議定律呂

於是博徵學者序論其法又未能決遇平江右得陳氏律管十二

枚并以付宏

隋書律厯志

宏引孝孫為協律郎

舊書列傳

遣曉音律者陳山

陽舊傳作陽山

太守毛爽及太樂令蔡子元于普明等

隋書律厯志

與參定

雅樂毛爽妙知京房律法布瑄飛灰順月皆驗爽時年老宏恐失

其法於是奏孝孫從其受律

舊書列傳

孝孫推五音十二律爲六十音

又六之有三百六十音旋相爲宮因定廟樂諸儒論難竟不施用

舊書音

高祖受禪擢孝孫爲著作郎歷吏部郎太常少卿漸見親

委孝孫由是奏請作樂時軍國多務未遑改創樂府尙用隋氏舊

文

舊書列傳

武德中受詔定正聲雅樂

舊書竇威附傳

舊傳言武

至

貞觀二年奏之

舊書音

孝孫又以陳梁舊樂襍用吳楚之音周齊

舊樂多涉胡戎之伎於是斟酌南北考以古音作大唐雅樂以十

二月各順其律旋相爲宮制十二樂合三十二曲入十四調

舊書列傳

祭園丘以黃鍾爲宮方澤以林鍾爲宮宗廟以太簇爲宮五郊朝

賀饗宴則隨月用律爲宮初隋俱用黃鍾一宮惟扣七鍾餘五鍾

虛縣不扣及孝孫建旋宮之法皆偏扣鍾無復虛縣者矣

舊書音

旋宮之義亡絕已久世莫能知一朝復古自孝孫始也孝孫卒其

後協律郎張文收復采三禮增損樂章然因孝孫本音舊書初高

祖將治新厯東都道士傅仁均善推步之學太史令庾儉傳奕薦

之詔仁均與儉等參議合受命歲名爲戊寅元厯二年用之三年

朔望比不効新書厯志中書令封德彝奏厯術差謬敕孝孫考其得失

舊書傳孝孫使算厯博士王孝通以甲辰厯法詰之仁均對曰宋

祖冲之立歲差隋張胄元等因而修之雖差數不同各明其意孝

通未曉乃執南斗爲冬至冬至自有常數朔名由於月起月行遲

疾匪常三端安得卽合故必須日月相合與至同日者乃爲合朔

冬至耳孝孫以爲然但畧去尤疏濶者新書厯志

盧承慶字子餘幽州涿人隋散騎侍郎思道之孫父赤松爲河東

令與高祖雅故聞兵興迎見霍邑拜行臺兵部郎中終太子二字

書宰相世系表補率更令范陽郡公新書承慶美風儀博學有才幹少襲

父曾貞觀初爲秦州都督戶曹參軍因奏河西軍事太宗奇其明

辯擢拜考功員外郎累遷民部侍郎

舊書列傳 通典職官引作文部侍郎案文部掌文官選

舉不掌戶版列傳較是且天寶十一年始改吏部爲文部是時猶未也

帝問歷代戶版承慶敘夏商

至周隋增損曲折引據該詳帝嗟賞

新書列傳二十二年兼檢校兵部

侍郎知五品選事承慶辭曰五品選事職在尙書臣今掌之便是

越局太宗不許曰朕今信卿卿何不自信也

通典二歷雍州別駕

尙書左丞

新書列傳永徽初爲褚遂良所搆出爲益州大都督府長史

遂良俄又求索承慶在雍州舊事奏之由是左遷簡州司馬歲餘

轉洪州長史

舊書列傳帝將幸汝溫泉拜汝州刺史新書列傳入爲光祿卿

顯慶四年代杜正倫爲度支尙書

舊書列傳案新書宰相表杜正倫以顯慶二年三月兼度支

尙書九月兼中書令三年十一月貶橫州刺史承慶旣代正倫爲

三品當亦闕疑之意然上書拜汝州刺史下卽書參知政事同中

以度支尙書未免疏畧今仍從舊書以存疑焉

參知政事同中

書門下三品

新書宰相表

坐度支失所出爲潤州刺史再遷雍州長史

舊書列傳

總章初爲吏部尙書

大唐新語

二年代李乾祐爲刑部尙書以年

老請致仕許之仍加金紫光祿大夫三年病卒年七十六

舊書列傳

終誠其子曰死生至理猶朝有暮吾死斂以常服晦朔無薦牲葬

勿卜日器用陶漆棺而不棹墳高可識碑志著官號年月無用虛

文贈幽州都督諡曰定

新書列傳

初承慶爲吏部考內外官一官督運

遭風失米考之曰監運損糧考中下其人容止自若無一言而退

承慶重其雅量改注曰非力所及考中中旣無喜容亦無愧詞又

改注曰寵辱不驚考中上

隋唐嘉話又大唐新語

其能著人善類此

新舊列傳

承業亦有學識

舊書列傳

繼爲雍州長史尙書左丞有能名承業弟承

泰

舊書列傳

承泰字

舊書子誤

齊卿

新書盧承慶附傳

有人倫鑒

舊書盧承慶附傳

長安初爲雍

州參軍武后詔長史薛季昶舊書作季旭誤訪於齊卿齊卿白長

安尉盧懷慎李休光萬年尉李久崔湜咸陽丞倪若水蓋屋尉田

崇璧新豐尉崔日用季昶用其言後皆為通顯巨人新書列傳開元初

為幽州原作幽州誤刺史舊書列傳而張守珪隸果毅新書附傳齊卿器之

引與共榻坐謂曰不十年子當節度是州為國重將願以子孫託

可寮屬相期邪新書張守珪傳已而果然新書附傳齊卿之少也孫思邈曰後

十年位方伯吾孫為屬吏願自愛時孫思邈之孫溥尚未生及溥

為蕭丞而齊卿徐州刺史新書孫思邈傳大唐新語載王希夷

事希夷曰孔子云已所不欲勿施於人可齊卿喜飲酒踰斗不亂

以終身行之矣則齊卿又嘗為徂徠刺史新書附傳宰相世系表作廣

陽郡公

盧莊道范陽涿郡人新書宰相世系表年十三造於父友高士廉以故人

子引坐會有獻書者莊道竊視之謂士廉曰此文莊道所作士廉甚怪之曰後生何輕薄之行莊道請諷之果通復請倒諷又通士廉請敘良久莊道謝曰此文實非莊道所作向窺記之耳士廉卽取他文及案牘試之一覽倒諷并呈已作文章士廉俱以聞太宗召見策試擢第十六授河南尉滿復制舉擢甲科召見太宗識之曰此是朕聰明小兒邪授長安尉太宗將錄囚徒京宰以莊道幼年懼不舉欲以他尉代之莊道不從但閑暇不知省也時繫囚四百餘人令丞深以爲懼翌日太宗召囚莊道乃徐狀以進引諸囚入莊道評其輕重留繫月日應對如神太宗驚異卽日拜監察御史

大唐新語刑部員外郎宰相世系表

盧照鄰字昇之幽州范陽人也年十餘歲從曹憲王義方授蒼雅及經史初授鄧王府典籤

舊書文苑傳

王有書十二車照鄰總披覽畧

能記憶

朝野僉載

博學善屬文王愛重之

舊書列傳

謂人曰此吾之相如也

新書文苑傳

後為益州新都縣尉放曠詩酒

朝野僉載

與王勃楊炯駱賓王

皆以文章齊名天下稱王楊盧駱號四傑炯嘗曰吾愧在盧前恥

居王後議者謂然

新書王勃傳照鄰問之曰喜居王後恥在駱前與此互異

病去官居太白山

新書列傳

師事孫思邈問愈疾養性之要

方士元明膏餌之會父喪號嘔丹輒出由是疾益甚客東龍門山

布衣藜藿裴瑾之韋方質

盧集作方賢誤

范履冰等時供衣藥疾甚手足

攣廢乃去具茨山下買園數十畝疏潁水周舍復豫為墓偃卧其

中

新書列傳

照鄰曾有橫事被拘為羣小所使將致之深議友人護救

得免

盧集窮鳥賦自序

自以當高宗時尙吏已獨儒武后尙法已獨黃老

封嵩山屢聘賢士已獨廢著五悲文

新書列傳

頗有騷人之風

舊書列傳

照鄰家咸亨中良賤百口自丁家難私門凋喪不幸遇疾破產供醫

晚更信佛法

盧集寄裴舍人書

蓋文士之極坎壈者已

提要四庫

病既久與

親屬訣自沈潁水

新書

時年四十

舊書

著幽憂子

朝野僉載

文集二十

卷兄光乘亦知名長壽中為隴州刺史

舊書列傳

陽嶠北平無終人休之元孫為詹事司直時左臺中丞桓彥範右

臺中丞袁恕已共薦嶠為御史楊再思曰嶠不樂搏擊之任如何

彥範曰為官擇人豈必待其所欲所不欲者尤須與之所以長難

進之風抑躁求之路乃擢為右臺侍御史

通鑑二百七

盧榮

新書宰相世系表作璨

幽州范陽人後魏侍中陽烏五代孫祖彥卿撰

後魏紀二十卷

新書藝文志作三十三卷

行於時官至合肥令

新書儒學傳宰相世系表作

石門

東宮學士

宰相世系表

叔父行嘉亦有學涉高宗時為雍王記室

榮博覽經史弱冠擢進士

舊書列傳

神龍中

舊書作景龍二年案中宗紀節愍太子之立在神龍

二年七月明年九月改元景龍而太子早已討武三思死舊書誤

遷給事中時節愍太子立韋后

疾之諷中宗以衛尉封物給東宮粲駁奏太子七鬯主歲時服用
宜取於百司周禮諸用財器歲終則會唯王及太子不會今乃與
諸王等夷非所謂憲章古昔者詔可

新書儒學傳

後安樂公主壻武崇

訓爲節愍太子所殺特追封爲魯王令司農少卿趙履溫監護葬

事履溫諷公主奏請依永泰公主故事爲崇訓造陵

舊書列傳

粲曰凡

王公主墓無稱陵者惟永泰主事出特制非後人所援崇訓塋兆

請視諸王詔曰安樂公主與永泰不異崇訓於主當同穴爲陵不

疑粲固執以陵之稱本施尊極雖崇訓之親不及雍王雍墓不稱

陵崇訓緣主而得假是名哉

新書列傳

帝竟依粲所奏

舊書列傳

公主怒出

粲爲陳州刺史粲曰苟所論得行雖遠何憚開元初爲祕書少監

累封固安縣侯終邠王傳諡曰景

新書列傳

張知審字匪躬幽州方城人

案唐幽州無方城舊書地理志固安下云今治城漢方城縣地史家蓋沿

用晉魏舊名也舊徙家岐新書少與兄知元知晦勵志讀書皆以書作蒲州河東人列傳

明經擢第儀質瓌偉眉目疏朗舊書曉吏治清介自守公卿爭為列傳

引重調露時知審監察御史裏行歷十一州刺史所莅有威嚴武

后降璽書存問萬歲通天中自德州刺史入計后奇其貌詔工圖

之稱其兄弟容而才謂之兩絕又門皆列戟白雀巢其庭后數寵

賜新書時人稱之中宗以廬陵王安置房州舊書禁察苛嚴知審列傳

為刺史新書獨待遇以禮通鑑二列傳供擬保戴不少弛帝復位拜左

衛將軍加雲麾將軍封范陽郡公歷東都副留守左右羽林大將

軍同華州刺史大理卿致仕新書開元中卒年八十知審敏於從

政性亮直舊書惡請謁求進士或不才冒位視之若仇每敕子孫

經不明不得舉家法可稱云新書列傳

成三郎通鑑幽州漁陽人也光宅元年舊書原脫元字案通典職官光宅元年改威衛為豹

韜衛三郎卽以是年爲左豹韜衛長上果毅李孝逸之討徐敬業

討敬業被擒今據增

舊書忠義傳

以爲前鋒敬業屯高郵之下阿溪勒兵拒守後軍總管蘇

孝祥夜將五千人以小舟度溪先擊之兵敗孝祥死士卒赴溪溺

死者過半三郎爲敬業所擒

通鑑二百三

送於江都唐之奇給其眾曰

此李孝逸也將斬之

舊書列傳

三郎大呼曰我果毅成三郎非李將軍

也官軍今大至矣爾曹破在朝夕我死妻子受榮爾死妻子籍沒

爾終不及我也遂斬之

通鑑二百三

敬業平贈左監門將軍諡曰勇

舊書

列傳

平貞脊字密一字間從燕國薊人北齊司空鑒之曾孫敦龐沈靜

直方簡易始以司成館進士補廬州慎縣尉刺史盧寶元舉器藏

下僚轉冀州大都督府曲沃縣尉換晉州洪洞縣主簿陽道昕推

以孝友資身裴知禮薦以經邦興化徙雍州新豐縣尉盧少儒引

爲檢點判官休議登聞擢監察御史裏行奉使黔中監選有牂柯
謝鳳節仁奏罷漢官專任首領貞脊上其挾奸樹黨倣擾蕃落天
子悟焉再使置吏夷騷旋定又駟牧在野攘竊是繁耗以歲月莫
之禁禦貞脊表監官斛斯果之輩奪職者九人沒賊者萬計牧圉
知禁思無邪矣聞耀問吐蕃侵境師旅不給乃購運勦募耕入
選利之所在詐亦居焉貞脊與大理正王守一於河蘭鄯廓四州
推獲僞羅王希古盧種王誕其徒二千餘人正處其罪授監察御
史內難去職居喪過毀光宅初服闋授右臺監察御史巡察河南
澄清郡邑昇賢弊罪能執其中類功拜右肅政殿中侍御史再拜
司勳員外郎永昌中遭凶黨網羅爲周興所奏貶温州固安令州
特舉清白改鴻州櫟陽令誠結無欺獄犴自靜詔書嘉譽加朝散
大夫又羅密徒貝錦爲河內所鞠降括州員外司倉尋事白進吉

州司馬神龍中興拜司門郎中除衛王司馬拜左庶子以節愍之
禍出爲涪州刺史轉廬州司馬致仕景龍中復起左諭德兼榮文
館學士詔加銀青光祿大夫又攝詹事東都留守拜常州刺史居
歲餘優詔致仕先天元年薨年八十凡撰張說平君神道碑孝經義養德
傳新書藝文志注云卷亡淳孝友悌傳各一篇先君親友傳十卷家譜家誌
各十卷河南巡察記十卷文集十卷行於代神道碑

盧履冰幽州范陽人元魏都官尙書義僖五世孫開元五年仕厯

右補闕建言古者父在爲母朞徹靈而心喪武后始請同父三年

非是請如禮便元宗疑之又以舅嫂叔服未安

新書儒學傳

勅令眾議

於是羣議分拏各安積習

舊書禮儀志

刑部郎中田再思曰會禮之家

比聚訟循古不必是而行今未必非父在爲母三年高宗實行之

著令已久何必乖先帝之旨闕人子之情愛一朞服於其親使與

伯叔母姑姊妹同嫂叔舅甥服太宗實制之閱百年無異論不可
改履冰因言上元中父在爲母三年后雖請未用也逮垂拱始行
之至有祖父母在而子孫歸後行服再朞不可謂宜禮女子無專
道故曰家無二尊父在爲母服朞統一尊也今不正其失恐後世
復有婦奪夫之敗不可不察書留未下履冰卽極陳父在爲母立
几筵者一朞心喪者再朞父必三年而後娶以達子之志夫聖人
豈蔑情於所生固有意於天下昔武后陰儲篡謀豫自光崇升朞
齊抗斬衰俄而乘陵唐家以啟釁階孝和僅得反正韋氏復出醜
殺天子幾亡宗社故臣將以正夫婦之綱非特母子間也議者或
言降母服非詩所謂罔極者而又與伯叔母姑姊妹等且斬衰已
有升降則歲月不容異也此迂生鄙儒未習先王之旨安足議夫
禮哉罔極者春秋祭祀以時思之君子有終身之憂謂何限一朞

二朞服哉聖人之於禮必建中制使賢不肖共成文理而後釋彼

伯叔姑姊烏有筵杖之制三年心喪乎母齊父斬不易之道也案

冰疏詳載舊書禮儀志今從新傳節錄左散騎常侍褚無量以履冰議爲是通鑑二百十二

元行冲議請據古爲適弗報新書列傳諸人爭論連年不決通鑑二百十二至

七年下勅諸服紀一依喪服文舊書禮儀志後履冰以官卒新書列傳

盧鴻案舊書傳作鴻一紀及新傳皆作鴻通鑑亦作鴻考異云案

字顥然新書列傳本范陽人徙家洛陽舊唐書列傳博學善書籀新書列傳隱於

嵩山開元初遣幣禮再徵不至舊書列傳五年正月幸東都舊書元宗紀案舊

紀又云二月至自東都自字當衍車駕至六年十月始還京師也詔曰鴻有泰一之道中庸之德

鉤深詣微確乎自高詔書屢下每輒辭託使朕虛心引領於今數

年雖得素履幽人之介而失考父滋恭之詣豈朝廷之故與生趣

殊邪將縱欲山林往而不能返乎禮有大倫君臣之義不可廢也